

五

醫
道
學
子
心
悟



婦人門

天都普明子程國彭鐘齡著

婦人之症多與男子同。惟經行胎產與男子異耳。茲特舉其異者詳述于後。以備參攷。其同者悉照前法主之。不復贅及。

月經不調

經常也。一月一行。循乎常道。以象月盈則虧也。經不行則反常。而災沴至矣。方書以趨前為熱。退後為寒。其理近似。然亦不可盡拘也。假如臟腑空虛。經水淋漓不斷。頻頻數見。豈可便斷為



熱又如內熱血枯經脈遲滯不來豈可便斷為寒必須察其兼
 症如果脈數內熱唇焦口燥畏熱喜冷斯為有熱如果脈遲腹
 冷唇淡口和喜熱畏寒斯為有寒陽臟陰臟于斯而別再問其
 經來血多色鮮來血有餘也血少色淡者血不足也將行而腹
 痛拒按者氣滯血凝也既行而腹痛喜手按者氣虛血少也予
 以益母勝金丹及四物湯加減主之應手取效

益母勝金丹

大熟地砂仁九蒸 酒拌
 當歸酒蒸四兩

川芎酒蒸一兩五錢
 丹麥酒蒸三兩

白芍酒炒三兩
 羌蔚子酒蒸四兩

香附四兩醋一 酒姜汁
 白朮四兩陳土炒



以益母草八兩、酒水各半熬膏、和煉蜜爲丸、每早開水下四錢。血熱者加丹皮、生地各二兩。血寒者加厚肉桂五錢。若不寒不熱、只照本方。

四物湯

見虛勞

調經養血之藥、要其地黃、須九蒸九晒、方能取效。否則滯膈、生痰、妨礙飲食、乃製藥之過、非立方之罪也。血熱者加丹參、丹皮、益母草。血寒者加桂心、牛膝。經行而腹痛、拒按者加延胡香、附木香。經既行而腹痛、喜按者加人參、白朮。血少色淡者亦並如此。若腹中素有痞飲、食滿悶者、本方內除熟地、專用三物加丹參、陳皮、香附之屬。

室女經閉成損



婦人經閉其治較易室女經閉其治較難婦人胎產乳子之後血氣空虛經水一時不至俟其氣血漸回而經脈自通矣室女乃渾全之人氣血正旺不應阻塞其閉也若非血海乾枯則經脈逆轉血海枯則內熱咳嗽鬢髮焦而成怯症經脈逆轉則失其順行之常而爲吐爲衄夫血以下行爲順上行爲逆速宜調其經脈俾月水流通庶幾可救予以益母勝金丹加牛夕主之若其人肝經怒火熾盛者則頸生瘰癧或左脇刺痛更佐以加味逍遙散及消瘰丸若其人脾氣虛弱不能消化飲食血無從生更佐以五味異功散若其人精神倦怠晡熱內熱此氣血兩虛無經可行更佐以八珍湯此治室女經閉之良法倘妄行霸

道破血通經其不僨事者幾希矣

益母勝金丹

見前

加味道遙散

見類中

消瘰丸

見瘰癧門

五味異功散

見虛勞

八珍湯

見虛勞

暴崩下血

經云陰虛陽搏謂之崩此言熱迫血而妄行也又曰陽絡傷則血外溢陰絡傷則血內溢外溢者從上出內溢者從下流也病人過于作勞喜怒不節則絡脈傷損而血妄行矣前症若因熱迫血而妄行者用加味四物湯若因絡脈傷損者用八珍湯若瘀血凝積佐以獨聖丸若因肝經火旺不能藏血者加味道遙散若因脾氣虛不能統血者四君子湯加歸芍主之若因思慮



傷脾不能攝血歸經者歸脾湯若氣血兩虧血崩不止更用十全大補湯丹溪云凡血症須用四君子之類以收功若大吐下毋以脈論當急用獨參湯救之若潮熱咳嗽脈數乃元氣虛弱假熱之象尤當用參朮調補脾土若服參朮不相安者即專以和平飲食調理之此等症候無不由脾氣先損故脈息虛浮而大須令脾胃健旺後天根本堅固乃為可法設或過用寒涼復傷胃氣反不能攝血歸經是速其危也

加味四物湯

本方內加丹皮阿膠黃芩黑山枝方見虛勞

八珍湯

見虛勞

獨聖丸

治瘀血凝積瘀血不去則新血不得歸經此丸主之

虛人以補藥相間而用

五靈脂

去土炒
烟盡

為末醋丸菜豆大每服三二錢淡醋水下清酒亦得

加味逍遙散

九類中

四君子湯

歸脾湯

十全大補湯

並見虛勞

帶下

帶下之症方書以青黃赤白黑分屬五臟各立藥方其寔不必拘泥大抵此症不外脾虛有溼脾虛壯旺則飲食之情血而不生帶脾氣虛弱則五味之寔秀生帶而不生氣血南方地土卑溼人稟常弱故濁帶之症十人有九子以五味異功散



加扁豆苡仁山藥之類投之輒效倘挾五色則加本臟藥一
味足矣夫帶症似屬尋常若崩而不止多至髓竭骨枯而成
治此者寧可忽諸

五味異功散

見虛勞

健脾止濁帶前症若專下白色屬肺倍用苡仁若兼赤色屬
心加丹參當歸若兼青色屬肝加柴胡山梔若兼黃色屬脾
加石斛荷葉陳米若兼黑色屬腎加杜仲續斷若脈數有熱
加炒黃柏蓮子心若脈遲厥冷加黑姜大棗

求嗣

子嗣者極尋常事而不得者則極其艱難皆由男女之際調攝



未得其方也。男子以葆精為主，女子以調經為主。葆精之道，莫如寡慾遠房，幃勿縱，飲少勞神，則精氣足矣。如或先天不足，則用藥培之。大抵左尺無力，或脈數有熱，此真水虛也。六味丸合五子丸以補天一之水。若尺無力，或脈遲厥冷，此真火有衰也。八味丸合五子丸以補地二之火。若二尺俱無力，或中氣餒弱，是水火兩虧，氣血並虛也。用十補丸合五子丸而大補之。倘精薄不凝，更加魚鱉鹿角膠之屬，精不射遠，更用黃芪、朮、許、熬膏爲丸，以益其氣。此治男子之法也。調經之道，先在養性。詩云：婦人和平則樂育子，和則氣血不乖。平則陰陽不爭。書云：和平之氣，三旬一見。是已。如或經事愆期，則用藥調之。大抵先期而至。

或脈數有熱此血熱也益母勝金丹加生地丹皮主之若後期而至或脈遲厥冷此血寒也益母勝金丹加肉桂主之若將行而腹痛者是氣滯也更加順氣之藥若食少氣虛面色晄白四肢無力是爲氣血兩虧卽用前方減香附一半加入參黃芪河車茯神棗仁遠志之屬俾其氣血充旺則經脈自調譬如久旱不雨河道安得流通河道不通而欲其潤澤萬物不亦難乎女人經水不通或淋漓希少而欲其生子何可得耶此論女子之治法也是以葆精之道責之男子調經之要責之女子各有病處須細心體認不可濛混而失生生之理也求嗣者念之哉

六味台五子丸

大熟地 八兩
山藥 四兩

山萸肉 四兩

茯苓

丹皮

澤瀉 各三兩

枸杞子

兔絲子 各四兩

五味子

車前子

覆盆子 各二兩

石斛六兩熬膏和煉蜜為丸每早開水下四錢

八味丸

見類中門

十補丸

即十全大補湯為丸見虛損門

益母勝金丹

見月水不調

轉女為男說

易曰乾道成男坤道成女乾剛用事得陽氣之專者則多男坤柔用事得陰氣之全者則多女此定理也男子平時清心寡欲養其乾健之體則所感而生男矣至于受胎時日之法謂斷經



一○二○曰○感○者○成○男○三○四○五○曰○感○者○成○女○誠○以○一○二○曰○間○陰○氣○方
虧○則○陽○氣○當○勝○故○生○男○三○四○五○曰○陰○血○既○回○則○陽○氣○不○勝○故○生
女○此○乾○坤○之○性○情○剛○柔○之○體○用○也○今○方○家○備○載○轉○女○爲○男○之○法
有○束○皮○革○者○有○佩○雄○黃○者○有○暗○藏○雄○雞○羽○于○席○下○者○有○暗○藏○谷
于○床○下○而○繫○刃○向○下○者○種○種○諸○法○或○驗○或○不○驗○其○驗○者○安○知○其
非○倖○中○耶○終○不○若○講○究○本○原○爲○合○理○也○如○或○男○女○命○運○乖○外○速
宜○修○德○以○祈○之○廣○積○陰○功○多○行○善○事○三○年○五○載○勤○勉○不○怠○自○應
得○男○更○兼○戒○殺○放○生○則○所○生○男○益○當○聰○明○長○壽○冥○冥○中○有○主○之
者○未○可○徒○恃○于○藥○而○歸○怨○于○命○也○求○男○者○理○應○敬○聽○吾○言○

診婦人有孕法



經謂婦人有孕者身有病而無邪脈也。有病謂經閉無邪脈，謂脈息如常不斷絕也。經又云：手少陰脈動甚者，孕子也。少陰心也。心主血脈，心脈旺則血旺而為孕子之兆。經又云：陰搏陽別，謂之有子。言二尺脈旺與兩寸向別亦為有孕。以上三者但得其一，即為孕脈。分而古之合而推之，而孕脈無遁情矣。或謂流利雀啄亦為孕脈，何也？答曰：流利者血正旺，雀啄者經脈閉塞不行，故脈疾而歇至此數月之胎也。不知者斷為病脈，則令人恥笑。或謂孕有男女，何以脈而知之也？答曰：左寸為太陽脈，浮大知為男也；右寸為太陰脈，沉寔知為女也。若兩寸皆浮大，主生二男；兩手皆沉寔，主生二女。凡孕脈弦緊滑利為順，沉細微

弱為逆也。

驗胎法

婦人經水不行。已經三月。或脈不應指。或經事偶見。法當驗之。用川芎為細末。煎艾湯。空心調下二錢。腹內微動。則有胎。不動者。非胎也。

食忌

有孕之後。凡忌食之物。切宜戒謹。一食雞子糯米。令子生才。

日蟲。一食羊肝。令子多疾。一食鯉魚。令兒成疳。一食。

犬肉。令子無聲。一食牛肉。令子缺唇。一食鱉。令子項短。

一食鴨子。令子心寒。一食螃蟹。多致橫生。一食雀肉。



令子好淫

一食豆醬令子發疔

一食野獸肉令子多怪

疾

一食生姜令子多指

一食水雞鱗魚令子生癩

食驢馬肉延月難產

如此之類無不驗者所當深戒

藥忌

娠孕藥忌歌凡數十種推之尚不止此然藥中如斑蝥水蛭

蛻蜈蚣水銀信砒等藥皆非恒用之品姑置勿論茲特選其易

犯者約纂數語俾醫家舉筆存神免致差誤其他怪異險峻之

品在有孕時自應避忌不待言也

烏頭附子與天雄

牛黃巴豆並桃仁

芒硝大黃牡丹桂



牛膝藜芦茅茜根

槐角紅花與皂角

三稜莪朮薏苡仁

乾漆蘭茹瞿麥穗

半夏南星通草同

乾姜大蒜馬刀豆

延胡常山麝莫聞

此係婦人胎前忌

常須記念在心胸

右藥忌禁犯似矣

然安胎止嘔有用

半夏者娠孕熱病有用

大黃者娠孕中寒有用乾姜桂附者是何說也昔黃帝問于

岐伯也婦人重身毒之如何岐伯對也有故無殞亦無殞也

大積大聚其可犯也衰其大半而止有故者謂有病無殞者

無損乎胎也亦無損者于產母亦無損也蓋有病則病當之

故毒藥無損乎胎氣然必大積大聚病勢堅強乃可投之又

須得半而止不宜過劑則慎之又慎矣用藥者可不按岐黃

